

SOS**অতি সংক্ষিপ্ত প্রশ্নোত্তর :******* ১। মান নিয়ন্ত্রণ বলতে কী বুঝায়?**

বাকাশিবো - ১২, ১৪, ১৫'পরি, ১৭, ১৮'পরি, ১৯'পরি, ২০, ২০'পরি, ২১, ২৩, ২৪'পরি

উত্তর : পূর্ব নির্ধারিত মান অনুসারে নির্মাণসামগ্রী, দ্রব্য, কাজ বা সেবার গুণগত মান নির্ধারিত মানদণ্ড ও নির্দিষ্ট স্পেসিফিকেশনের সাথে মিলছে কিনা তা পরীক্ষা, পর্যবেক্ষণ ও নিশ্চিত করার প্রক্রিয়াকেই মান নিয়ন্ত্রণ বলে।

***** ২। ব্যয় নিয়ন্ত্রণ বলতে কী বুঝায়?**

বাকাশিবো - ০৬, ১০, ১১, ১২, ১৫'পরি, ১৬, ১৮'পরি

উত্তর : ব্যয় নিয়ন্ত্রণ বলতে, কোন প্রকল্প বা নির্মাণকাজে উৎপাদিত পণ্য বা সেবার গুণগত মান বজায় রেখে প্রতিষ্ঠানের বাজেটের মধ্যে উৎপাদন ব্যয় পরিকল্পনা অনুযায়ী হচ্ছে কিনা তা পর্যবেক্ষণ ও বিশ্লেষণ করার প্রক্রিয়া।

*** ৩। মান নিয়ন্ত্রণের পদ্ধতিগুলো লেখ।**

বাকাশিবো - ২০২৪'পরি

অথবা, মান নিয়ন্ত্রণে ডিজাইনারের দায়িত্বগুলো লেখ।

উত্তর : মান নিয়ন্ত্রণে ডিজাইনারের দায়িত্বগুলো নিম্নরূপ :

- ১) প্রকৃত তথ্য উপাত্তের ভিত্তিতে বাস্তবসম্মত ডিজাইন করা।
- ২) সহজপ্রাপ্য উত্তম গুণাবলিসম্পন্ন মালামালের ব্যবহারের সিদ্ধান্ত দেওয়া।
- ৩) ডিজাইন ও ড্রয়িং পরিষ্কার হওয়া।

৪) নির্মাণ ঝুঁকি হ্রাস করা।

**** ৪। শ্রমসাধ্য ব্যয় বলতে কী বুঝায়?**

বাকাশিবো- ২০০৯, ১৫

উত্তর : প্রকল্পের সকল বা কিছু কাজ অনুমোদিত স্বাভাবিক সময়ের চেয়ে কিছুটা দ্রুতগতিতে সম্পাদিত হওয়ার জন্য শ্রমিকের মজুরি, ওভারটাইম, বোনাস ও অন্যান্য শ্রম সংক্রান্ত খাতে যে অর্থ ব্যয় হয় তাকে শ্রমসাধ্য ব্যয় বলে।

*** ৫। মান নিয়ন্ত্রণ কীভাবে করা হয়?**

বাকাশিবো- ২০১৬'পরি

উত্তর : দ্রব্যসামগ্রীর আকার, আকৃতি, আয়তন, সংমিশ্রিত উপাদান, রং, ওজন, বাহ্যিক সৌন্দর্য, স্থায়িত্ব ইত্যাদি বৈশিষ্ট্যের প্রেক্ষিতে পণ্য বা দ্রব্যসামগ্রীর মান নিয়ন্ত্রণ করা হয়। এগুলো ASTM অনুযায়ী মান নিয়ন্ত্রণ করা হয়।

SOS

সংক্ষিপ্ত প্রশ্নোত্তর :

**** ১। মান নিয়ন্ত্রণে ঘাটতির ফলাফলগুলো লেখ।**

বাকাশিবো- ১৬, ১৭, ১৮, ২০'পরি

অথবা, মান নিয়ন্ত্রণের অসুবিধাগুলো লেখ।

উত্তর : মান নিয়ন্ত্রণের অভাবে নিম্নলিখিত অসুবিধাগুলো হতে পারে :-

১) নির্মাণ ও উৎপাদন ব্যয় বৃদ্ধি পাবে।

২) পণ্য বা সেবায় গুণগত মান হ্রাস পাবে।



- ৩) নিম্নমানের মালামাল ব্যবহারের প্রবণতা বৃদ্ধি পাবে।
- ৪) কর্মীদের দক্ষতা, যোগ্যতা, কাজের স্পৃহা হ্রাস পাবে।
- ৫) যন্ত্রপাতি পরিচালনার দক্ষতা ও ব্যবহার হ্রাস পাবে।
- ৬) আর্থিক ক্ষতির সম্মুখীন হতে হবে।
- ৭) ঠিকাদার ও মালিকের মধ্যে সম্পর্কের অবনতি ঘটবে।

**** ২। মান নিয়ন্ত্রণের উপকারিতা বা সুবিধাগুলো লেখ।**

বাকাশিবো - ১৭'পরি, ১৯, ১৯'পরি, ২৩, ২৩'পরি

উত্তর : মান নিয়ন্ত্রণের মূল উপকারিতা বা সুবিধাগুলো নিম্নরূপ :

- ১) ঠিকাদার, ডিজাইনার ও কনসালট্যান্টের সুনাম বৃদ্ধি পায়।
- ২) খরচ ও অপচয় রোধ হয় এবং কাঁচামালের সঠিক ব্যবহার নিশ্চিত হয়।
- ৩) উচ্চমানের, ত্রুটিমুক্ত পণ্য বা সেবা প্রদান গ্রাহক সন্তুষ্টি এবং প্রতিষ্ঠানের সুনাম বৃদ্ধি করে।
- ৪) উচ্চমান নিয়ন্ত্রণে কোম্পানিকে বাজারে অন্যদের চেয়ে এগিয়ে রাখে।
- ৫) কাঠামোর আয়ুষ্কাল বৃদ্ধি পায়।
- ৬) ঠিকাদার ও মালিকের মধ্যে সম্পর্কের উন্নতি ঘটে।

*** ৩। কার্যকরী ব্যয় নিয়ন্ত্রণ পদ্ধতির প্রয়োজনীয়তাগুলো লেখ।

বাকাশিবো - ১৫'পরি, ১৬'পরি, ১৭, ১৮'পরি, ২০, ২১, ২৫, ২৬'পরি

উত্তর : কার্যকরী ব্যয় নিয়ন্ত্রণ পদ্ধতির প্রয়োজনীয়তা নিম্নরূপ :-

- ১) প্রকল্পের কিংবা উৎপাদনের প্রকৃত ব্যয় নির্ণয় করা
- ২) এস্টিমেটকৃত ব্যয় এবং প্রকৃত ব্যয়ের তুলনা করে অপচয়ের নির্দিষ্ট কারণ নির্ণয় করা।
- ৩) কাজের গুণগত মান নিশ্চিত রেখে যথাসময়ে এবং নির্দিষ্ট ব্যয়ে প্রকল্পের কাজ সম্পন্ন করা।
- ৪) অপ্রয়োজনীয় ওভার হেড খরচ হ্রাস করা।
- ৫) সুষম ভিশন ও মনিটরিং এর মাধ্যমে ব্যয় বৃদ্ধিকারক বিষয়গুলো চিহ্নিতকরণ এবং প্রয়োজনীয় ব্যবস্থা গ্রহণের মাধ্যমে তা হ্রাসকরণ।
- ৬) বিভিন্ন সময়ে সম্পাদিত কাজের ব্যয় তুলনা করা।

SOS

রচনামূলক প্রশ্নোত্তর :

* ১। মানসম্মত নির্মাণ ও ব্যয় নিয়ন্ত্রণে প্রকৌশলীর ভূমিকা ব্যাখ্যা কর।

বাকাশিবো - ২০১৭

উত্তর : মানসম্মত নির্মাণ ও ব্যয় নিয়ন্ত্রণে প্রকৌশলীর ভূমিকা নিম্নে বর্ণিত হলো :

- ১) পরিকল্পনাঃ আর্থিক লক্ষ্য নির্ধারণ এবং প্রয়োজনীয় সম্পদ হিসাব করে অনুমানের ওপর ভিত্তি করে ভবিষ্যতের খরচ অনুমান করা।

- ২) **খরচ শনাক্তকরণঃ** বিভিন্ন ক্রিয়াকলাপ এবং প্রকল্পের সাথে যুক্ত নানান ব্যয় শনাক্তকরণ ও সম্ভাবায়িতকরণ।
- ৩) **খরচের শ্রেণিবিভাগঃ** সঠিক বিশ্লেষণ ও পরিচালনার জন্য খরচের শ্রেণিকরণ।
- ৪) **খরচ বিশ্লেষণঃ** কাজের বৈচিত্র অনুযায়ী বিভিন্ন কাজের খরচ প্রকরণ অনুযায়ী শনাক্ত করতে পরিকল্পিত খরচের সাথে প্রকৃত খরচের তুলনা করা।
- ৫) **নিয়ন্ত্রণঃ** নির্মাণ সামগ্রী পরীক্ষা করা এবং কাজের প্রতিটি ধাপ মান অনুযায়ী হচ্ছে কিনা তা পর্যবেক্ষণ ও নিয়ন্ত্রণ করা।
- ৬) **রিপোর্টিংঃ** সিদ্ধান্ত গ্রহণ, বিভিন্ন কাজ পরিচালনা ও নিয়ন্ত্রণের জন্য ব্যবস্থাপককে বিস্তারিত প্রতিবেদন প্রদান করা এবং বহির্গত স্টেকহোল্ডারদের জন্য প্রতিবেদন প্রস্তুত করা।
- ৭) **পর্যালোচনা এবং উন্নতিঃ** সিস্টেমের দক্ষতা এবং কার্যকারিতা উন্নত করতে পারফরম্যান্স পর্যালোচনা এবং প্রতিক্রিয়ার উপর ভিত্তি করে সমন্বয় ও বর্ধন করা।